

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 45. stav (1), a u vezi sa članom 37. stav (6) Zakona o izvršavanju Budžeta Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 25. sjednici, održanoj dana 21.10.2019. godine, d o n o s i

ZAKLJUČAK

o usvajanju Programa utroška sredstava budžeta za nabavku opreme veterinarskih laboratorija Instituta za zdravlje i sigurnost hrane Zenica u 2019. godini, u razdjelu 23, budžetska organizacija 01, potrošačka jedinica 0001, pozicija „Kapitalni transferi drugim nivoima vlasti“ Budžeta Zeničko-dobojskog kantona za 2019. godinu

I.

Usvaja se Program utroška sredstava Budžeta za nabavku opreme veterinarskih laboratorija Instituta za zdravlje i sigurnost hrane Zenica u 2019. godini, u razdjelu 23, budžetska organizacija 01, potrošačka jedinica 0001, ekonomski kod 615100 „Kapitalni transferi drugim nivoima vlasti- za Institut za zdravlje i sigurnost hrane“ u iznosu do 100.000,00 KM (slovima: stotinu hiljada konvertibilnih maraka) Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

U skladu sa odobrenim sredstvima Budžeta iz tačke I. ovog zaključka za svaku planiranu i završenu aktivnost iz ovog Programa na zahtjev Instituta za zdravlje i sigurnost hrane Zenica uz dostavljanje Izvještaja, Vlada će posebnim zaključcima odobravati sredstva.

IV.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu, Javna ustanova „Institut za zdravlje i sigurnost hrane Zenica“ i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

PREMIJER

Broj: 02-_____/19
Datum, 21.10.2019. godine
Z e n i c a

Mirza Ganić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Javna ustanova „Institut za zdravlje i sigurnost hrane“ Zenica (putem Ministarstva),
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**PROGRAM UTROŠKA SREDSTAVA BUDŽETA ZA NABAVKU
OPREME VETERINARSKIH LABORATORIJA
INSTITUTA ZA ZDRAVLJE I SIGURNOST
HRANE ZENICA U 2019. GODINI**

Zenica, oktobar 2019. godine

Podaci o programu

Program je usvojen: na 25. sjednici Vlade Zeničko-dobojskog kantona održanoj dana 21.10.2019. godine.

Period realizacije Programa: oktobar – decembar 2019.godine

Ukupna vrijednost Programa: 100.000,00 KM

Namjena Programa: Nabavka opreme za laboratorije

Korisnici Programa: JU Institut za zdravlje i sigurnost hrane Zenica

Izvor sredstava: Budžet Zeničko-dobojskog kantona za 2019. godinu, „Kapitalni transferi drugim nivoima vlasti-za Institut za zdravlje i sigurnost hrane“, Zakon o izvršavanju Budžeta Zeničko-dobojskog kantona za 2019. godinu (“Službene novine Zeničko-dobojskog kantona”, broj: 3/19).

Odgovorna osoba: Mirnes Bašić, ministar

I U V O D

Institut za zdravlje i sigurnost hrane u 2016. godini uspješno je završio rekonstrukciju prostora, osposobljavanje i nabavku opreme za veterinarske laboratorije i time doveo do kraja započete aktivnosti akreditacije mikrobiološke laboratorije za hranu, vodu i hranu za životinje, te započeo proces akreditacije veterinarskih dijagnostičkih laboratorija.

Stručna ocjenjivačka Komisija Federalnog ministarstva poljoprivrede, vodoprivrede i šumarstva, dana 02.06.2017. godine izvršila je pregled prostora, kadra i veterinarsko-tehničke opreme, tehničkog uređenja, načina rada i osiguravanja nivoa biosigurnosti za obavljanje laboratorijskih analiza, te dala pozitivno mišljenje i ovlaštenje za rad na period od 3 godine.

Aktuelna problematika prisustva rezidua i hemijskih kontaminanata u hrani, vodi i hrani za životinje, sve veći zahtjevi tržišta, proizvođača, prerađivača, inspekcija i zakonodavstva za hemijskim analizama, usmjerilo je aktivnosti Instituta za zdravlje i sigurnost hrane na jačanju kapaciteta hemijskih laboratorija.

Institut je u 2018. godini intenzivirao svoje aktivnosti na dostizanju standarda ISO 17025, što je rezultiralo dobijanjem akreditacije ISO 17025 za hemijski laboratorij i veterinarske dijagnostičke laboratorije. Također, u 2018 godini je osnovan Zavod za zaštitu bilja. Shodno očekivanju i planiranom poslovanju, akreditacijom laboratorija za zdravlje životinja (serologija, mikrobiologija i parazitologija), a posebno ulaskom Instituta u Program monitoringa zaraznih bolesti životinja Federalnog ministarstva poljoprivrede, vodoprivrede i šumarstva došlo je do povećanja obima usluga iz oblasti veterinarstva. Boljom infrastrukturom laboratorija Institut će odgovoriti zahtjevima tržišta, biti konkurentniji, a što će sve u konačnici doprinijeti povećanju obima poslovanja u 2020. godini.

Budžetom Zeničko-dobojskog kantona za 2019. godinu, na poziciji „Kapitalni transferi drugim nivoima vlasti“ za Institut za zdravlje i sigurnost hrane Zenica, predviđena su sredstva u iznosu od 100.000,00 KM za nabavku, jačanje i unapređenje kapaciteta Instituta za zdravlje i sigurnost hrane.

II PLANIRANE AKTIVNOSTI

Jačanje kapaciteta laboratorija Veterinarskog zavoda u skladu sa zahtjevima ISO 17025 i opremanje Zavoda za zaštitu bilja kroz nabavku prema koja je specificirana u Odluci o izmjeni i dopuni Plana javnih nabavki za 2019.godinu Instituta za zdravlje i sigurnost hrane, broj: 02-2442/19 od 27.09.2019.godine i to:

- Opreme za hemijski laboratorij,
- Opreme za mikrobiološki laboratorij,
- Oprema za ispitivanje polena;

III CILJEVI PROJEKATA

- Uvođenje novih, akreditovanih laboratorijskih metoda i proširenje dijagnostičkih kapaciteta veterinarskih laboratorija,
- Postizanje visokog stepena kontrole rezidua i hemijskih kontaminanata u hrani, vodi i hrani za životinje,
- Zaštita zdravlja ljudi od sve većeg prisustva hemijskih supstanci zaostalih u hrani i vodi, kao posljedica velike i nekontrolisane primjene pesticida, insekticida, herbicida, veterinarskih lijekova i drugih hemijskih supstanci u primarnoj proizvodnji i preradi hrane,

- Analiza kvalitete zraka u pogledu alergena, davanje savjeta građanima i prevencija bolesti disajnih puteva (alergije);

IV IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), u kojem je na stavci "Kapitalni transferi drugim nivoima vlasti - za Institut za zdravlje i sigurnost hrane“, u razdjelu 23, budžetska organizacija 01, potrošačka jedinica 0001, ekonomski kod 615 100 planiran iznos od 100.000,00 KM.

Navedeni iznos sredstava će se realizovati prema programu utroška sredstava uz predhodnu saglasnost Vlade.

V KORISNIK SREDSTAVA

Korisnik sredstava je Javna ustanova Institut za zdravlje i sigurnost hrane Zenica.

PREMIJER

Mirza Ganić

Broj: 02-_____/19

Datum, 21.10.2019. godine

Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Javna ustanova „Institut za zdravlje i sigurnost hrane“ Zenica, putem Ministarstva,

1x Ministarstvo finansija,

1x a/a.